

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之二百五十五

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣寶楨總裁官經筵講官吏部尚書鑾監旗漢軍都統管理新營廣城內官房大臣稽察內

七倉大臣稽察倉岡四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

內務府大臣鐵良滿洲都統稽察內七倉大臣管理宗人府銀庫五翼初官掌典與壽宮闕明園等處稽覈宮御各膳房御藥房太

醫院造辦處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

大清宣宗實錄卷之二百五十五

道光十四年甲午八月癸巳朔○甲午

宣宗成皇帝實錄 卷一百一十五
上御勤政殿聽政。○遣官祭。○甲午。

文昌帝君廟。○諭內閣程祖洛等奏營弁串改失事洋面請將授意之護理總兵解任質訊一摺。浙江鎮海縣船戶黃泰昌舵工杜良元赴福建烽火門營呈報在浙江三星洋面被盜行劫拒傷水手朱家瀧落水身死一案。嗣經訊明舵工杜良元指認失事處所實在烽火門營所轄之大嶺山北首七星山之西離三星洋尚遠係外委龔發等串改令其呈

報復經詰訊龔發等改寫三星洋面係參將
潘世標授意並又究出潘世標因水手朱家
瀧被殺家有老母曾賞給番銀為伊養贍又
因杜良元求索盤費亦給番銀此中情節可
疑不可不徹底根究護理福寧鎮總兵事前
任烽火營參將升補澎湖協副將潘世標著
即解任調省交該督歸案質訊如實有授意
賄串情事即行奏叅懲辦尋奏潘世標訊無
授意串改亦無賞給番銀情事惟於洋面失

事屬弁營書設計諉卸不能先事查出揭報實屬失察請交部議處下部議從之○諭軍機大臣等盧坤等奏暹羅國本年屆當例貢之期該國王鄭福如期遣使恭齎表文方物入貢並謝上次賞賜如意緞匹之恩現已行抵粵東等語暹羅國王恪共藩服如期遣使入貢誠悃可嘉該貢使現已抵粵著即派委妥員伴送使臣令其於本年封印前到京其帶來壓艙貨物照例免稅至該國大庫所請

將貢船先行回國修整之處著照所請行將
此諭令知之○命翰林院侍讀學士吳文鎔
提督順天學政兵部右侍郎龔守正提督江
蘇學政內閣學士史評提督浙江學政翰林
院侍講學士許乃普提督江西學政太僕寺
卿吳孝銘提督福建學政翰林院編修朱蘭
提督湖北學政編修龔維琳提督湖南學政
戶科給事中趙光提督河南學政兵科給事
中李振庸提督四川學政翰林院編修李嘉

端提督雲南學政編修賈克慎提督貴州學
政安徽學政沈維鐫山東學政李芝昌山西
學政杜受田陝甘學政羅文俊廣東學政王
植廣西學政池生春奉天府府丞兼學政田
嵩年仍留任○乙未貴州巡撫裕泰奏查明
外來流民分別辦理得旨悉心妥議奏辦不
可存目前苟安之見以致積重難返責有攸
歸矣懷之○新授四川學政兵科給事中李
振庸以兩耳重聽回原衙門行走命翰林院

編修王篤提督四川學政○貸甘肅臯蘭狄
道靖遠鹽茶西寧碾伯六廳州縣被旱災民
倉糧○丙申諭軍機大臣等據御史曾望顏
奏廣東平海營參將賴英揚所屬之中軍守
備卽為其子賴恩爵並不申請迴避又水師
提標後營遊擊現經題補新會營參將盧必
沅係江西南昌人於上年署順德協副將任
內令其子盧良弼冒認廣東肇慶府籍貫卽
在順德營充伍食糧不及數月卽拔補外委

宣宗成皇帝實錄 卷一百一十五
又將左哨千總余得剛詳叅開缺。將右哨把
總蔣大彪拔補。將其子盧良弼拔補。蔣大彪
之缺各等語。營衛武職官員有錢糧盜案考
覈賢否之責。凡在親屬例應迴避。乃賴英揚
父子同營。盧必沅令其子冒籍充伍。徇私拔
補。違例妄為巧於營鑽。該管上司未經叅辦。
難保無有心徇庇。著昇寅等據實查明。嚴叅
懲辦。毋得不實不盡。致干咎戾。原摺著鈔給
閱看。將此各諭令知之。尋奏查明。賴英揚父

子並未同營應毋庸議盧必沅將伊子盧良弼出繼無服族弟廣東高要縣民盧多鑿為子在籍入伍未請迴避實屬昏愊應請交部嚴議報聞○又諭有人奏粵東沿海地方械鬪頂兇之案相習成風莫如潮州為甚而械鬪之最甚者莫如連鄉糾眾總由土棍訟師勾串播弄等語著盧坤祁墳嚴飭該府屬地方官密速查拏從嚴懲辦遇有械鬪頂兇之案務究明首禍及主唆之人嚴緝確查盡法

懲治不得以抵命有人即置主謀之首犯於
不問致與定例不符儻地方官不行審出究
辦著該督撫嚴叅治罪務須逐案嚴查衡情
定讞俾此等積惡兇徒咸知儆畏以除奸蠹
而安善良至該省械鬪案內受雇烏槍手既
經犯案必應嚴定科條以懲兇惡其被獲後
如何治罪之處著該督撫詳議章程奏明辦
理原摺著鈔給閱看將此各諭令知之尋奏
查受雇之烏槍手專以助鬪為業實為風俗

之害請嗣後鳥槍手傷人及致斃人命仍照
本例定擬其雖未傷人但經幫毆者即於定
例自號教師演弄拳棒滿流罪上加一等杖
一百發附近充軍雖未幫毆而學習鳥槍手
已成即照教師例杖一百流三千里下部議
從之○給盛京蓋州海城興京三處被水旗
民一月口糧並房屋修費○給浙江建德淳
安二縣被水災民一月口糧並房屋修費○

丁酉祭

先師孔子遣大學士潘世恩行禮○諭內閣
寶興等奏敬謹詳查應修各工請分年修理
以合吉方一摺本年盛京地方山水陡發
永陵鹿角木植被水衝失前據寶興等敬謹查
勘奏明辦理已由欽天監選擇吉期具奏並
派通曉堪輿之戶部郎中萬貢珍馳驛前往
交寶興帶領敬謹相度取土方向茲據寶興
等奏衝失鹿角現由該部照例估辦於本年
迅即補造安設其衝倒樹株已飭該地方官

趕緊扶植。尚可無庸補種。惟

永陵

啓運門

西配殿

方城西北角城身以及泊岸河淤平墊

明堂前水溝。改修御路。並現在敬謹查得

福陵

隆恩殿三間頭。停滲漏。飛簷廊柱。油飾暴落。木

植間有斂朽。月臺周圍闌干等石。歪斜海墁

亦有沈陷。

二柱門西邊石望柱向西沈陷歪閃。所有各項工程均關緊要。惟同時興修。現屆秋令。趕辦不及。且均與本年方向有礙。著派奕經馳驛前往。帶同前派往之萬貢珍。敬謹相度。與本年方向有無妨礙。此項工程。即著奕經會同寶興等先行勘估。如本年方向不宜。即著就明年方向。再行選擇。開工吉期。奏請辦理。其

興修

福陵

隆恩殿著於開工前奏請選擇吉期恭移神牌在

東配殿安奉以昭敬謹此項工程估辦應需木植砍工運腳銀兩即著於盛京戶部動用辦理○又諭御史伊克精額等奏役滿書吏久踞京城聞拏藏匿請旨飭緝並請將辦事玩延之署副指揮交議一摺所奏是役滿書吏盤踞京師久干例禁該御史等查明前充吏

部文選司經承之魯佑人。久經考滿。潛住京師。經該御史等面諭現署副指揮揀發指揮顧文光。嚴密傳案以憑訊究。乃該指揮逾越多日。杳無回覆。難保無有心庇縱。署中西坊副指揮揀發指揮顧文光。著先交吏部議處。以為玩延者戒。至己滿吏部書吏魯佑人。是否實已遠颺。抑尚在京藏匿。著步軍統領衙門順天府五城一體嚴拏。務獲送部究辦。以除積蠹而肅部務。○又諭保昌奏吉林地方